

隨

山

館

猥

稟

隨山館猥橐卷之四

山陰 汪 琬 玉泉

詩下

春日郊行

以下己未

芳郊獨行車馬稀東風微和吹袂衣山桃花發太爛漫
水楊柳小相因依野塘春暖鳧子浴菜隴午晴蝴蝶飛
不知蘭若在何許隔水一聲清磬微

春日示內子

綠窗清况近何如是試香餘中酒餘蘭弱也如人小病

時內子方小極燕來曾與客同居惜花曉夢無聊賴對鏡春愁

欠破除賸有一枝斑管在小螺眉樣亦生疏

正月二十三日得沈伯眉學博

世良

書卻寄四

首

正是天涯酒醒時更煩書札慰相思懷人夢覺梅花到
作客愁深燕子知魚藻門前春似水鳳皇臺畔雨如絲

東官有鳳皇臺

東風回首應招悵昨歲題襟本太遲

十年耳熟沈休文亂後歸來始遇君詩品真如寒水玉
閒身猶是在山雲好從藝苑爭千古別向騷壇張一軍

近日南園耆舊少

張山譚生

陳甫

外孰相聞

花田春事近如何
好趁歸潮打槳過
火鳳曲成詞客醉
水犀軍散畫船多
慣酬綺夢珠三斛
自按新聲玉一梭
料得中年愁謝傅
要他絲竹替銷磨

琴劍春來慣遠遊
鶯花併解作深愁
故鄉戎馬今何似
蠻徼烽塵未少休
到處無家同海燕
昨宵有夢到沙鷗
與君一事差相類
潘岳華年已白頭

晚步小園見桃花已開率成長句

條風幾日回微溫
山禽發聲新綠繁
小桃紅蕊忽已破

坐覺春意生荒園一枝兩枝自窈窕三月二月方晴暄
春池照影若微笑夕陽對客終無言我來步履不經意
作隊但見遊蜂喧忽驚顏色照籬落有似村舍遭嬋媛
陽山縣廨去年住深緋發豔當前軒經旬臥病不一賞
紅雨落盡燕支痕今來覩此意少慰又憐寂莫傷春魂
尋常卉木尙如此武陵何處仙人源榮華冷落不足道
雨露終是東皇恩花前感此久佇立春煙漠漠搖黃昏

四言書居梅生

巢

昔邪室詩集後

空山無人落葉如雨抱琴獨來靜與秋語脫然畦徑深

林徐步微聞斧聲樵子何處谿雲半消忽見疏樹孤鶴
在旁吟此佳句

無題三首

幾處樓臺燕子風夜來相見太匆匆隨人宛轉花生小
與我周旋月可中楊柳心情無賴碧石榴消息可憐紅
當前欲賦鴛鴦什祇惜崔郎句未工

東風今夕太多情吹暖當筵玉笛聲接坐脂香容領略
背人眉語轉分明也知好夢恩恩過無奈閒愁忽忽生
城上芙蓉千萬朵再來何處覓芳卿

翠袖烏巾共一筵鬱金堂近桂堂偏人如明月輪三五
酒貰春風斗十千屈指鶯花連上巳關心絲竹近中年
如何小作揚州夢薄倖青樓已誤傳

三月十五日喜雨

嶺南地脈暖時雨降須臾膏澤偶失時歎息聞堦老今
年仲春後日日見晴昊便恐禾苗乾屢煩長官禱朝來
南風吹山雲白浩浩居然見淋浪懽忻走翁媪吾方坐
茆屋對酒豁懷抱旅人雖無田亦覺此聲好密影垂簷
花生機動庭草想見東西疇新綠起枯槁艱難海濱民

生計在秔稻預卜年歲豐旅食爲一飽

春日懷人詩十八首

并序

平生朋舊無多而風絮雲萍動成閒闊一星客冷三月
春深偶憶知交輒深悵惘雨窗無事拉襍成詩意到卽
書不復編次己未寒食前三日

憶遠傷春感不休客中風雨一登樓故人輶迹倘能說
戎馬江湖各自愁

譚公文筆老彌蒼一別居然七載強斑竹崇蘭無限思

因君詩夢落瀟湘

譚力臣明經大勛

山澤心多入世難本來風格太高寒纖兒剛競新桃李

轉道梅花不耐看

繆蔭廬師

回首師門一惘然三吳兵革幾經年不知近日常州住

可有坡公二頃田

陳企堂師

書品清腴畫筆酣愛搜奇石寘花南不妨人比雲林閣

自喜詩如老學菴

梁福草比部九圖

一篇飛檄烽塵逼五管浮家歲月多應有雄心消未盡

酒闌拂劍一悲歌

戴芸塢上舍堯恩時客樂昌

破費蠻州紙百番詩逋畫債太頻煩只應一事強人意

鬢影春風寫韻軒

俞溥臣洵慶

吳郎才調偏清妙好作漁洋嫡派詩坐對東風忽相憶

落花飛絮送春時

吳星儕孝廉炳南有送春詩云畢竟家山在何處年年三月便思歸

宴罷瓊林酒一杯南中多難又歸來詩名官職無窮事

莫被風塵損此才

葉蘭臺庶常衍蘭

臨風玉樹宗之酒出水芙蓉謝客詩一領青袍拋未得

可應腸斷少年時

葉萸船茂才衍桂

航海南乘萬里風更將書劍遠從戎修期露布尋常事

先賞新詩第一功

杜仲容大令友韋時方以航海及肇慶軍中詩見寄

張家兄弟太奇絕弟走從軍兄授經等是他鄉未歸去

愁人春草一袍青

張竹隣楠松
谷權昆季

郊居作賦偏多病餘事填詞亦最工近日清愁消減否

鬢絲微颺落花風

沈伯眉學
博世良

裁紅暈碧太紛紛近世爭誇儷偶文解作落霞孤鶩語

少年才筆合推君

陳奎垣上
舍起榮

與君相去二十里乘興有時能一來客裏無端三日雨

屋前添得半弓苔

陳朗山孝廉良玉時
方授經於東官黎氏

圍城撫劍曾同我客邸開書正憶君一樣傷春復傷別

人間何止杜司勳

馬雲雛茂才廷梧

手譚三品君最善頭責一篇吾未能難忘得秋亭上佳

半杯冷玉一窗鐙

盧秋坪洲

一篇詩就一沈吟中有朋交百載心寫遍蠻牋還太息
粉雲絲雨又春深

送朗山從軍

東風吹大旗畫角皆春聲樓船下江浦有客從軍行男
兒好身手戎馬多功名何能老佔畢默默充經生陳侯
南國彥聲華動公卿仲舒不射策杜牧能知兵平生有

壯志酒闌益縱橫此行試其端要使煙塵清寶劍爲君
贈玉壺爲君領行矣善自愛努力看昇平

五月二十六日偕同人游金繩寺

南風一月不出門避暑居然習疏慵朝來勝侶忽見招
各挈都籃理單舸烏篷艇小臨寺門青豆房深熒佛火
荷花縱遜卅六陂荔子解供三百顆近來肝肺多熱惱
久矣身心襍塵堞何期意外得清境飽看涼花飫佳果
人誇有客類髯蘇

謂小谷先生

我惜論詩無癩可夕陽映水

同歸來更向江頭振輕桡

同作

象州

鄭獻甫小谷

問塗偶得金繩路乘興來參玉版禪風蕩一池荷葉

大星懸千點荔枝鮮游閑有酒能供客

寺僧能備酒供客創

立無碑莫紀年

不知創於何人及何年月

聊爲方輿書勝覽吏官

北郭水邨邊

贈鄭小谷比部

獻甫

卽題其補學軒集後四首

經師薄文章文人寡經術彼此相詆牾齊楚蓋兩失先生誠通儒亦復擅文筆能探鄭馬源更入韓蘇室五經何紛綸萬卷幾梳櫛豈知文詞工皆由醞釀出萬丈典

籍光油然而照篇帙後世傳儒林此事當可必

散體與駢體於古初無分後世強剖析其說殊紛紜先生誠通儒一笑置不論心知水萬派同出泉一源大將誠有才左右皆可軍作者誠有才散駢皆可文所以下筆時萬象輪精魂議論尤所長宏達驚人羣溟渤納眾水泰岱生層雲當世有真識吾說其可存

作詩摹古人其弊在無我作詩無古法其理又不可先生誠通儒用筆如用筭每發輒中的何有右與左秋月固皎潔春花亦婀娜惟其金心中所以玉色瑳學術旣

湛深格律自帖妥彼哉主客圖持論誠瑣瑣

我生羈旅中讀書等牆面頻年走塵土結交罕名彥先

生誠通儒何意此相見前年同避兵近日共文讌著述

如束筍尋繹猶未遍

先生所著經說未脫橐

卽以文字論南州足

冠冕鯁生雖顛蒙此事最歆羨儻容坐經帷未用焚筆

硯

荒園

荒園落日多幽徑晚風細此中更無人所得是秋氣匡
居愛閒寂步履偶一至林蟬若相知告我有涼意

黎烈女行 并序

女小名娣東莞人事在咸豐四年六月

連郵賊多擊藤鼓一賊持刀來刦女負女直踰谿橋行
谿橋偏仄谿水清水中照見賊奴影女手纖纖扼其頸
一時墮水水作聲有與俱死無俱生谿石深紅水深綠
谿上今生女貞木

谿石有紅印女墮
水時額血所染也

題友人殺賊圖

壞雲西向櫓槍指賊壘沈沈鼓聲死寶刀如雪官軍來
一片蠻山血痕紫戰場匹馬橫草行虎鈴在手能知兵

男兒自有破陣樂何用雲臺書姓名

袁督師祠二首

大荒披髮跼重關功罪茫茫不可論
星夜勤王三輔急煙塵轉戰九邊昏
朝衣畢竟悲東市鎖鑰何曾重北門
今日故鄉還立廟當年窮塞孰招魂

歐刀碧血恨漫漫 褒卹翻從異代看
事閱滄桑公論出時當叔季將才難
謠言八合憐明月疑獄千秋誤曲端
別有表忠碑記在惜無元石與鐫刊
吾鄉王笠舫大令有東莞新建袁督師祠堂碑文見綠雪堂遺集今祠中無此碑殆當時未刻石也

東官雜詩四首

蓬累來遊亦偶然敢將蹤迹倚前賢
金風亭長題詩處月落潮生二百年

古刹蕭然午磬遲莓苔石徑自逶迤
我來閱遍斜陽影

更爲殘碑立少時

資福寺有坡公書所作
羅漢閣銘殘刻數十字

虎頭山下有高臺曾見籌邊節使來
九尺穹碑今在否

怒潮如雪海門開

阮文達公督兩廣時曾增建破臺
於虎門自爲文紀之刻石臺上

聞道珊洲水一灣莫愁艇子綠波閒
如何十日江樓坐

不見素馨花兩鬢

竹垞東官書所見詩金
齒屐一尺素馨花兩鬢

題朱峴君署正

鑒成

煙波如意圖

以下庚申

記向嚴灘聽畫眉
喚回香夢太迷離
關心何處花雙影
入手依然玉一枝
圖畫未曾畱色相
才人應不諱情癡
他年我與桐君見
要問眉君本事詩

題小谷比部識字耕田圖四首

坡公作江水誓陶令賦田園居但讀齊民要術不談城
旦官書

治經春秋佳日爲農冬夏播琴此外掉頭不顧有時負
手行吟

幾年不歸田里有客能圖水邨畫取先生鄉思稻畦茆
屋柴門

讀書過五千卷種樹須三百栽他日故鄉無恙帶經驅
犢歸來

積雨寄仲容

風雨相望冷江湖此日深故人宵入夢蠻徼晝多陰大
有憂時淚難爲久客心短衣與長鑣爲爾一沈吟

池亭夜坐柬玉仲

池受三更月窗開四面風草深喧吠蛤燭暗聚飛蟲醒

酒荷香外憑闌水氣中祇憐清夜景未與故人同

韶州旅次畚雲雛

韶石停船感昔遊星離雨散幾經秋故人華鬢都相似
遠道烽煙尙未休劍外杜陵長作客鄴中吳質最工愁
憐君閒話鄉關事疏雨孤鐙夢秀州

韶州雜詩四首

浩蕩飛蓬歎蒼涼苦柏餐因人常道路行旅足艱難戰
艦蠻江暗征衣水驛寒遠游緣底事慨息亦無端

憶昔三年住重來百感生猶聞磨赤羽不敢唾青城古

塔秋山影危樓暮角聲蒼茫風景在羈泊若爲情

舊種江干柳蕭條亦可憐晚風來繫馬夕照忽鳴蟬此
日聞軍笛當時傍畫船故應宣武感爲爾一凄然

賴有朋交在能聽勞者歌開尊猶跌宕步履幾經過少

日疏狂減中年感慨多崩緱三尺劍奈此客愁何

謂薄臣敬

堂雲雛
諸君

秋日柬仲容

招隱青山遠匡居白屋貧鄉愁分客夢秋氣屬詩人飄
泊嗟何事支離笑此身素衣江海上容易著緇塵

十一月初九夜作

旅館生夜寒客心自淒警孤燈暗空廊枯葉墮無影林
端風蕭蕭屋角星耿耿雖復歎闌寥猶將樂清迥邇來
城市居百動不一靜深宵短檠下悄悄發深省茶香對
無言書味容獨領遲我短榻眠江城漏方永

哭伯肩卽書其祇陀盦詩集後四首

不遣斯人死清寒已可哀儒官才肯蒞營魄遽蒿萊傳
世期文苑論交憶酒杯祇陀盦畔路緣黯半弓苔
幾卷遺詩在悲涼語最工何人呼島佛此事逼涪翁身

世干戈際文章涕淚中傷心無限感應不爲途窮

高義論千古朋交得一人平生感風雨遺稿出灰塵剖

璞青峰裂求珠赤水珍名山傳姓氏不假泐貞珉

玉仲爲刻

詩集

吾友梁谿子

謂杜季英

詩篇亦擅長才人同怛化客感極蒼

茫玉樹春無色璚華夜有霜修文相見日勿復嗜篇章

初春偶書二首

以下辛酉

幾日雲陰澹不開春寒側側入樓臺天公冒作明朝暖

好放斜陽一片來

依然五劇喧車馬可有千家沸管絃
臺省諸公無一事今年應是太平年

春日過邨肆小飲

欲試田家老瓦盆看山閒出郭東門
稻苗三寸水三寸楊柳一邨煙一邨
新釀乍開宜薄醉袂衣初著愛微溫
當壚傭保曾相識笑指襟邊有酒痕

無題四首

時客番禺縣廨

一趁罡風別玉晨五銖衣上有微塵
桃符辟惡虛剛卯齋曰題詞慣受辛
河漢雲疏秋製錦唐宮雪重夜燒銀

隨山館猥藁卷四

三

碧城無恙天魔退纔見靈籤綠字新

鴛牒恩恩記首行誰知倭鬢是華妝
心摧栲栳迴波曲齒冷邯鄲大道倡
幾輩歌辭工轉綠有人心事託流黃
可憐湘水秋風裏祇賸芙蓉解拒霜

伯勞東去燕西飛屈戌梁恩有是非翠羽別尋神女約
青綾不解小郎圍花開曲院懸珠網草暗閒階掩玉扉
忙殺嬈娘諸朵伴飄鐙隔雨夜深歸

又閱華嚴小劫來不須高築避風臺
阿尼縱解通貓鬼正則何煩怨鳩媒
上客聽鶯趨蔭若仙書附鶴達蓬萊

東皇肯爲梅花惜好遣南枝暖處開

谿畔

春水初生似縠紋有人谿畔曳羅裙桃花倒影斜陽裏
紅是三分碧二分

贈嶠君卽書其詩集後

嶠君爲何東洲編
修紹基著錄弟子

平生未泝岷江流夢中忽作峨眉游覺來據案讀奇作
坐覺天地成清秋神霄九層下鷹隼遠塞萬里開驪駒
雄才從古出西蜀宏獎令我懷東洲東洲當世昌黎伯
躡履升堂多湜籍朱侯一出氣如虹便逐雲龍思接迹

棘闥屢蹟不稱意蓬累奇游見標楡儲宗策杖朝陽頽
太華聞鐘夜雲碧蹇驢幾載居長安斯人骯髒非清寒
竭來渡海走瓊管南征一賦誰爲看剗蛟未試玉具劍
釣鼇惜少珊瑚竿爾時詩境又一變天容海色青漫漫
如君之才世所少玉立清標出塵表豪傑要須爲世用
整頓乾坤濟時了杜君如流沙不羈馬我亦昆侖希有
鳥佗年待我峨岷閒回首滄溟一桺小

秋日得友人書感賦

西風從何來萬彙變秋氣故人貽我書遠自海上至附

海舶來

自言客京華忽忽五改歲
兵戈數傾洞衣食益顛
頓邇來輦轂下公卿幸無事
書生作罪言孰識非過計
三吳轉杭稻道梗弗能致
三輔留花門掘疆殆難制
異時憂方大匪僅居易其言
甚深切讀之爲流涕斯人
如大昭挂壁未一試布衣憂

國心隱然見文字恤絳漆室
悲鑿枘青瑣議夜半思中原
知汝不能寐嗚呼此何時嚴
霜肅天地

小遊仙六首

呵筆能開五色花上真才思
最清華新宮銘就無人識

名字空題蔡少霞

玉殿中間數往還
紅雲縹渺白雲閒
侍臣鵠立休相訝
未要蓬萊第一班

雲房石竈畫沈沈
丹籙流傳幾用心
解作淮南鴻烈訓
如何辛苦覓黃金

遙吟碧落氣高寒
傳向紅塵索解難
手把芙蓉天際立
世人猶作酒徒看

司香歸去魏夫人
風信年年總不真
鈴索聲多旛影側
春來都憶舊花神

空傳太歲說東方紂絕陰天事渺茫十萬青腰都省識
更無人似杜蘭香

雨 以下壬戌

雲氣連朝接海濱潮聲終夜撼城闌交衢車馬衝泥健
逆旅齏鹽閉戶貧應有黿鼉驕大澤頗愁鷺鴨惱比鄰
江東米價知何似猶作高樓賞雨人

戲題諸小梅 文標 畫梅

元章 王冕 自是老尊宿二樹 童鉅 故推真本師記證畫

禪無上諦藤花香裏拜天池 徐渭

戲擬唐人春閨怨二首

柳色暗高樓珠簾不上鉤美人玳瑁鏡蕩子木蘭舟錦
字思何限銀箏怨未休春江一千尺深不抵春愁

怕說新來瘦其如明鏡何紅樓春夢遠翠袖莫寒多愁
卷龍文褥羞裁鳳尾羅舊時諸女伴含笑畫雙蛾

雜詩四首

孤松與九柏俱生蒙山陰豈不畏歲寒所樂惟同心此
材乏世用匠石不見尋根幹徒天矯枝葉多蕭森風生
谿礪寒日落邱壑深棟梁事已矣託志宜山林

直木自孤生，纖蘿強縈抱。木非同根株，榮枯詎相保。霜雪一朝下，繁條忽先槁。春風幾時來，柔蔓任顛倒。人情有盛衰，微卉復何道。一讀結交行，知之苦不早。

在昔董仲舒，嘗悲士不遇。淵明復繼之，慨然託詞賦。平生好文史，朝夕弄豪素。所見皆古人，何由達世故。遇與不遇閒，茲理靜可悟。嗟哉古哲人，感歎亦殊誤。

士有不得志，蕭然處邱樊。糟糠已足飽，裋褐常不完。亦思騁長駕，慷慨遊中原。畸人非世用，且復歸田園。丈夫各有志，何必冕與軒。冕且不願衣，食將何言。

商量

雨隔紅樓語未傳春寒翠被夢相憐商量越客千絲網
怕悵楞嚴十種仙擬借箜篌呼小字悔拋錦瑟思華年
東風近日偏無賴一度楊花一惘然

廉州雜詩四首

以下癸亥

蒯緱無恙布裘寒風物聊從異地看下邑祇今猶戰伐
蠻陬終古少衣冠遺聞銅柱兼唐代故事珠池拜漢官
行篋一編班志在布山合水自漫漫

橫石全空故壘頽不須重問古人才邊烽無警龍編遠

估舶爭趨蜃市開金礦蕃奴闕舊迹鐵鑪羣盜鑄橫財

滄溟空闊知何似一笑吾曾破浪來

五月余航海至此

頻年兵革廢春農郡邑蕭條杼柚空下戶租丁亡命久
外臺令甲算繒工家餘布粟非今日人習耕桑尙古風
願挽天河作霖雨盡銷氛祲卜年豐

蕭蕭落木百蠻秋衣上征塵愧遠遊客邸自傾椰子釀
家人剛寄木棉裘斷霓晝起魚龍舞瘴霧晨開虎豹愁
不信殊方多旅感酒闌時復拂吳鉤

卽事

院靜若僧舍客來聊結跏分曹據苔石隨意設茶瓜池
影忽螢火籬香初豆花宵深半牆月故故上檐牙

廢圃四首

廢圃人稀半艸萊野花閒傍短塍開可憐一種邨顏色
也有遊蠶作隊來

半畝新荷一稜瓜盆池水淺並青蛙夜來幾陣疏疏雨
成就牆陰指甲花

微風吹動水差差散亂鳬鷺占一池老鶴不知涼意晚
苔磯西畔立多時

故事吾家說菜根
荒畦日日見鉏痕
平生未讀英雄記
老圃斜陽自閉門

廝波

紫袴纖兒在青樓
狎客多尋香隨鳳子
學語愛鸚哥
甘入搗彈隊爭傳播
拈歌武林遺事在
祇合喚廝波

池亭晚坐

忽覺池光斂
空亭向晚天
雨多魚足水
磯暗鷺拳烟
小坐拋茶具
新涼憶酒船
明年補清景
作計種江蓮

隨山館猥稿卷之四終

隨山館猥稟卷之五

山陰 汪 琬 玉泉

詩戊

開升行 以下丙寅

虹光夜半衝南斗
陵石見榮神所守
鎮州地接昌化軍
誰向窮荒挾山走
風輪迅疾雲颿開
徑從溟渤噓陰霾
碧眼賈能窺寶氣
黃頭郎待鑄橫財
何人竟把盧龍賣
黎婺峰前見光怪
任教鉛水泣仙人
那識銀官分地界
媿徒毳服紅鬚髭
指麾徒眾吹旋螺
摸金直用魏公法

得寶將爲楊氏歌誰知頓觸山靈怒鞭叱螭蛇作神霧
騷擾由來鑄不成狼荒畢竟尋無路阿奴心計亦可憐
莫夜已費黃金千寶山空手且休矣碧嶂回頭還儼然
離交萬古金銀氣今日珠厓安得棄棲陸沈沙造物心
炎風朔雪

天王地玉斧威稜銅柱標覬覦焉許小夸驕請看瓊寶
留中國應識神靈翊

聖朝

閒趁

閒趁娟娟月來尋小小家晚風微蹔柳春露最宜花綺
戶三層閣文窗六扇紗夜分還小坐瓷枕戲分茶

讀徐兵備榮懷古田舍詩集二首

近代論詩格清雄自一家宦遊三竺月吟寫萬梅花太
息憂軍事餘情翫物華遺篇有光怪猶化海天霞

溫序還鄉夢常山報國身文章關至性忠孝副詩人遺

集應長在宏才自有真臨風感遺愛我亦越州民

公守紹興

有惠政吾鄉
人類能言之

玉仲招飲酒半作兩生行賦畲

東風昨夜海上來木棉刺桐花亂開春光如此足一醉
惜少三百玻璃杯此間未是酒泉郡何人爲築糟邱臺

王郎好事賴有此

王仲姓王氏

酌我蒲萄新撥醕酒酣發高

詠意氣何崔巍一歌兩生行萬彙供嘲詆銅斗高吟自
可樂玉山已倒無煩推探懷偶然出奇句到眼頗恨無
仙才崖州儋州蘇與李古人不見今人哀符黎風流亦
寂寞餘子錄錄何足一笑咍君如天驥初呈材薊雲已
是龍之媒我亦跡弛輕駑駘要須縱橫走萬里倜儻陵
九垓坐令世俗驚奇侅安能小棧短轅自刺促乃與雞

樓牛走同塵埃

和王仲春遊絕句四首

靡蕪初長燕初飛
緩緩尋芳緩緩歸
過卻收鐙纔幾日
冶春人已換單衣

輕雲如粉雨如塵
刻意尋春不見春
說與東風應不信
桃花門巷更無人

管絃凌雜舞婆娑
蠻女金鑲自蹋歌
訴盡深情還一笑
喫虛無奈土風多

孤負青絲挈酒瓶
花間未許玉驄停
祇應白石清泉興

去上坡公洞酌亭

瓊州雜詩四首

荒服唐瓊管提封宋鎮州昔人多遠謫吾道此淹留
海闊天無際山深瘴不收斯遊亦奇絕未肯薄蠻陬

異俗徵風土殊方感物華采香蠻女笑織芻崗人誇碧
貯賓郎水紅攢吉貝花祇憐大隄曲不解事桑麻

誰作登高賦城南傑閣存地形收絕徼山色指中原空
闊魚龍氣平臨鳥雀喧憑欄忽長歎海霧自昏昏

寶氣青巒合軍鋒赤羽寒波斯方鑿空海若尚狂瀾此

地凋殘甚由來撫馭難願聞開玉帳勿復議銅官

海口阻風戲成長句

秋潮拍岸雲模糊秋霖日日啼鷓鴣顛風斷渡不可往
但聞鈴語吹浮屠我辭瓊州行行李方戒途東風未肯
與公瑾西域遂爾留賈胡雷池一步未遠去平原十日
何紆徐我於此時一事無篷窗對酒傾百壺海天光景
正奇絕雲濤起滅爭須臾弄珠如有神女出弭節或見
羣靈趨封姨畱客豈有意令看萬變浮雲圖檣竿偃臥
帆不舒舟子歎息吾軒渠人生萬事偶然耳流行坎止

知何殊失時勿憂得勿喜欲速非智遲非愚重陰解駁
朝日出會看十幅懸風蒲

大風渡海

雲氣海門開危檣破浪來四圍接天水一道走風雷人
擬乘槎客吾非作賦才頻年犯奇險太息鬢毛摧年來凡四
泛海矣

過雷州擬謁寇萊公祠不果

城東何處寇公祠落葉斜陽去路遲慚愧劍南老居士
秋風亭上獨題詩

遂溪

巷陌無三里閭閻劣百家荒城喧鳥雀小市聚魚鰕客
倦愁行李官閒種野花

張衡叔大令璿

晚來遣煩渴珍重化州

茶

茶出化州之茶
山味極清苦

行十許日不見一山去水東數里遙見浮嵐隱
然輿人曰此陽春境內山也

圖經何處待冥搜巖壑猶應慰倦遊今日篋輿成獨笑
青山遙認古春州

電白道中

殘暑尙如此我行殊未休平原歸犢晚疏樹亂蟬秋蠻
微嗟多事勞生感昔遊道光庚戌嘗過此明朝好山色應許破

羈愁

登舟戲作

買得蜻蜓一葉如看山猶自勝藍輿故鄉豈少閒蓑笠
歸釣耶溪尺半魚

舟中曉起

擁衾臥微涼清夢破曉鳥推篷日未生秋意墮煙篠隔
林有人語叱犢江村曉水落兩岸平雲橫一峯小拏音

綠輦閒吟思出林表回首憶山行筇將苦奔峭

夜泊黃泥灣

風定孤帆卸宵深短檣停灘聲爭亂石林影帶疏星人
倦茶初熟涼多酒易醒前溪有漁笛聊復倚舷聽

江樓寫望

樓在三水江側前
數年嘗一登眺

素波嫋嫋西風生高樓落日闌干橫千七百里客初到
三十六江秋正清白鷗與我故相識青山向人如有情
蒼茫久立獨歸去幾處汀洲漁火明

還廣州月餘復有潮州之行舟中感懷得二百

字

我居廣州久視之如故鄉年來客瓊管時復懷珠江今
秋始歸來旅寓賁禺傍意謂當少息琴書足相羊飛蓬
隨天風仰視浮雲黃惘然束行李復爾趨殊方回首五
旬內行樂殊未遑差喜風月夜鑿翠開山堂高論見耆
宿清輝照壺觴客行旣未息此樂難遽忘九月望夜與
陳蘭甫學錄
置酒粵秀山
之學海堂扁舟犯寒江行路驚流光水平岸多石木
落天雨霜遐思朱明洞雲岫遙相望復有白鶴峯履綦
迹未荒茲行定何似整我征衣裳駸駸歲月改漠漠川

涂長頻年蓬累行轍迹周南疆奔走困衣食艱難託文章
病驥在泥塗飛鴻謀稻粱感此復何語乾坤浩茫茫
十七弟被劾去官作此示之

掣絲鷹隼意無聊失路騅駟氣不驕從古浮言多蕙苴
祇今彈事到芭蕉微官俸薄原無謂旅鬢愁多每易凋
擬向雲門讀書去湖山清福可能消

題陳冶巖

慶洪

畫竹二首

以下丁卯

墨派流傳此一時黃陵廟外幾千枝多君不作瀟湘客
雨葉烟梢也自奇

不見丹山鳳鳥來也須移傍故山栽如何塵土風霜裏
著此東南竹箭才

送玉仲入都

南風盛夏河流黃長安近天道路長故人束書走相別
萬里北行趨

帝鄉桑弧蓬矢夙有志奇侅詎肯拘尋常排風旣爾具
毛質掣電自合馳康莊君生二十有七載志意與古相

頡頏陸機弱冠擅詞賦杜甫結交多老蒼康成太邱作

模楷

鄭小谷比部林

香谿陳

朗山

朱

崑君

沈

伯眉

通連

陳蘭甫學錄

牆平生師友互礪切已富議論能文章此行況足擴聞
見踰越五嶺浮三湘更從河洛入燕趙中原形勢森開
張金門九重日正午觚稜雙闕天中央壯觀正可助文
筆好追燕許凌常楊淡墨書名故一事學人視此真豪
芒要須一得慰親意未妨小啖紅綾香與君締交始鴈
鰾性情金石無參商人疑王粲太通悅我識阮籍非猖
狂臨歧惘然一執手願君行已如圭璋相期著述見金
海更祝姓字貢玉堂友朋知己不易得關河異日遙相
望吾詩拙直要有意君雖行矣君毋忘

黃老相公祠四首

并序

黃定公上元諸生明崇禎末客潮陽甲申之變赴縣解井中死後人於井傍立廟祀之曰黃老相公祠

心斷寒泉古鶩中流傳片碣表遺忠

乾隆間掘地得碑人始知定公殉節

始末九原自殉先皇帝千載人呼老相公

青衫白髮老諸生可是寒儒一死輕六等爰書九雲服

有人辛苦作公卿

漳浦尙書老致身

黃忠端公道周

上元進士亦遷神

黃進士周星明亡後

赴水祇應一代忠貞錄江夏門中大人

勝國遺輓鳳水湄扁舟訪古我何遲傷心琢玉軒前路

別有天潢小裔碑

天潢小裔墓碑在普甯崑岡書院琢玉軒前明宗室女窆骨處也

大埔道中與十七弟別

時弟之汀州

鴻雁飛天末秋風惜羽翰中年感離別遠道祝平安鄉

國音書少江湖旅食難孤琴在懷抱珍重向人彈

十二月十三夜高州郡解作示鄧仁山

肇元

空庭立移時霜月忽如水梅花已半落疏影尙可喜欲

眠猶未眠惜此光景美夜久蒼苔深寒氣襲衣履入室

鐙火青茶烟一絲起微笑顧客言此中有畫理

擬李長吉詠馬詩十首

漢武開邊日曾歌天馬來渥洼神物盡何處不羈才
拔箭皆人傑遺圖事可徵如聞風雨夜石馬汗昭陵
百戰隨飛將神龍解報恩至今圖畫裏猶溼箭瘢痕
獅子花何在風沙塞草黃功名誇汗血不見郭汾陽
日落橫門道風高驃騎營蕭蕭聽不得一片是邊聲
未盡驍騰氣從知控馭難朝元立仙仗猶作戰場看
矜寵嫌金埒飛騰逐塞驄可憐臨水立卻惜錦障泥
目眊金門式身矜玉勒華蟻封終一蹶何似服鹽車

赭白非無種飛黃亦有真祇憐勤物色不是玉鞭人
浴鐵三千騎和鑾十二閑誰能謝鞍勒苜蓿徧春山

陽春舟次

自咸豐辛亥至今凡數
往來於此以下戊辰

餘寒未減木棉裘細浪初生杜若洲二月風花逢乳燕
十年煙水熟閒鷗南州孺子無名譽西蜀相如欲倦遊
輸與江干老漁父笠簷蓑袂不知愁

黃泥灣

晴日山行好羣峰綠漸生燒畚分野色賽社聚春聲田
父如相識村醪亦自清頻年兵革後喜爾見昇平

自來肇慶李恢垣吏部

光延

林子魚太守

直邱

拱庭大令

鴻星

卞石卿別駕

心培

魯小庭經歷

肇乾

孫福田公子

明慶

排日置酒見招率成長

歌呈同集諸公

酒星夜出南斗傍照見杯杓生奇光數千里外酒人聚
故應一舉累百觴友朋文字致足樂一旦增我狂奴狂
魏收未害輕蚨蜊杜甫安知翳鳳凰年來我向窮荒走
往往持樽苦無友天公一笑憐寂寥卻遣端州覓升斗
牂牁水急星巖奇水色山光落吾手已知勝地足交遊

況復詞場得儕偶李侯自是今青蓮一斗能歌詩百篇
伸蒙後人擅才筆得句輒欲陵前賢邱孫卞魯皆舊雨
提壺挈榼相周旋高樓俯視吸江海古峽遙望開風煙
人生百年意無極對此應須快胸臆浮雲聚散雖偶然
異日追思或難得題襟頓覺忘主賓剪燭勿辭淹晷刻
君不見市上爭歌白接羅尊中正作黃金色

喜朗山至

并序

朗山爲通州學官凡五年通州距京師及天津皆不遠
朗山歲數往來以海運事議敘得知縣今年丁內艱還

嶺南遂來肇慶久別相見不可無詩

太息先生昔蒞盤蹇幾度入長安高歌未遇非常士

論薦依然本分官

君以舉人謁選本可得縣令

遠道音書嗟閒闊頻

年人事雜悲歡相逢賸覺秋光好繞郭晴嵐且共看

題恢垣所藏倪文貞公草書千字文冊後

偶書興嗣文不用懷素法行間有正氣凜然不可狎明

堂九室日森爽太華三峰秋岌嶭是時文正方少年

卷後

署戊午秋月吏部以年譜考之知公二十六歲時書也

意豈欲以能書傳偶然託

興弄柔翰神妙已到秋毫顚流傳百世閱霜日展視萬

里開風煙楮墨猶新字不滅使轉謹嚴如折鐵卽論書
法已絕人何況尸臣抗奇節蕭梁遺文寄揮灑冑泥偏
旁較波擎平生不愧顏平原舊本應無趙松雪吾生與
公同越州欲尋蓮嶼嗟無由卻從逆旅覩遺墨歸然如
見衣雪樓古來神物入藏弄恆恐雷電下見收李侯寶
此幸勿失當與內儀應本同千秋

公以崇禎丙子歸里
哀輯所作名曰鴻寶

應本陳臥子序之又著兒易內
儀以六卷兒易外儀十五卷

題彭南屏刺史

翰孫

所藏圓圓小像

以下已已

麝已成塵玉化煙美人遺挂尙流傳傷心誰唱婁東曲

影事香痕二百年

燕雪滇雲往事空爭從圖畫識春風誰知無限滄桑感
都在崔徽小卷中

圓圓本事陸次雲小傳與鈕玉樵觚賸陳其年婦人
集所紀小有異同道光中阮文達公督雲貴公子賜
卿得滇中耆舊所傳云辛酉城破圓圓自沈於商山
寺蓮花池池側圓圓墓在焉迺賦後圓圓曲一篇寄
錢塘陳雲伯大令雲伯復題十絕句於後合諸家詩
文觀之圓圓之始末備矣因題此圖輒竝識之

冬日得朗山所寄近詩慨然有作卽以寄會

四野垂重陰寒色滿天地閉門讀君詩忽有萬里志側
聞花門亂轉饒及南裔島夷闕中國狐鼠極驕肆念君
夙抱負慷慨思用世難歷關河沈鬱出經濟有如流
沙馬伏櫪覲一試忽聞朔風生輒懷戰場利罪言昔杜
牧表餌孰賈誼何時摧旄頭快意磨盾鼻思君未得見
歲暮益愁思書生爾何知乃預當世事

入春後久不雨率成小詩

以下庚午

自入新年日日晴老農衷手望春耕已聞野草燒欲盡

誤喜庭柯風作聲
節序頗疑周小卯
歌謠誰似東長生
殊方旅食無餘事
但祝蠻村米價平

贈吳繡谷

文虎 有序

繡谷江甯人讀書通醫術咸豐初避寇來嶺南與余交
餘十年余嘗兩得劇疾藥之而愈今冬來潮州云將謀
歸計因賦此詩貽之

我不因人熱君能恕我狂
論交關性命知己到文章
霜鶴老逾瘦礪松寒更蒼
他年採靈藥相約住華陽

雨中與史蓮徵

浴

夜話感賦

以下辛未

落盡簷花漏下遲
尊前相對鬢成絲
剛幕內史時晴帖
是日爲余書冊卻賦巴山夜雨詩
少日才華雙管在
旅人情況一
鐙知飛騰意氣
今何似
贏得清愁負酒卮
余近止酒
君天性不
飲

旱

人情類喜晴
晴久亦生厭
炎方矧易旱
烈日遂如熾
播琴已失時
負耒良可念
祇今誤春耕
奚暇計秋斂
禱祈煩長吏
奔走勞僕僂
密雲爰屢占
繁露術無驗
天人有感
格陰陽
勿陵僭云胡
輒恆暘乃至
不成霰
旅人初起

病畏熱若遭砭拂牀寢每毗對案食難饜林晨來鵲噪
池午困魚險揮扇愁蠅蠹卷書罷鉛槧遣愁須濁醪
予詣荒店埜老爲客言村氓已云曆司火逞權勢流金
煜光爛術窮走越巫農病甚齊疔便恐乏糠覈甯當論
穢糠旅餐雖艱難獨飽亦慙忝吁嗟田水乾忍對酒波
灑作詩寫心憂短句聊口占

六月杪潮州大水感事有作

今春苦久旱田坼禾苗枯農民乞膏澤祭禱聞呼零夏
末苦多雨江流漲平蕪奔濤決隄堰瀕洞漂田廬茲邦

昔兵燹民力多艱劬拊循十餘稔生意猶未舒奈何半
歲間災沴旱潦俱不知彼惇子何以能枝梧郡城俯韓
江縈繞東南隅巨浸初見逼不沒三版餘安危在咫尺
性命爭須臾幸見霽色開甫使驚魂蘇城中十萬戶僅
免嗟淪胥城外數百邨已見成汙瀦餘糧失雞鶩微命
逃龍魚嗷嗷徧哀雁處處號飢烏長官亟施振載米數
舳艫事後更防患議論方紛拏金堤泊石堞修築不敢
徐我聞百川水以海爲歸墟海潮挾泥沙歲歲增新淤
豪強利兼井大抵瀕海居填築作畛畝舄鹵爲膏腴旣

不列版籍亦不完賦租效尤日彌甚見利人爭趨海門
益以隘水道益以紆一朝勢橫決爽塏紛泥塗塏田實

鉅患

潮民填海爲田曰塏
田塏字字書無之

此輩罪可誅若謀百年利竟

合一掃除法旣懲首禍水乃歸尾閭狂瀾化安流永永
無它虞我言尙未畢有客傍軒渠旅人與地主勢分固
已殊代庖越尊俎持論密亦疏是非無定在客語良不
誣旁觀勿自量僻見吾誠迂成法在故紙勸爲書所愚
請刪溝洫志弗讀河渠書

月華篇

蔚藍夜色天如水一碧秋空千萬里滄海徐徐碧月生
絳霄櫛櫛銀雲起瑞氣繽紛接四傍一輪端正自中央
纔看玉鏡三分滿忽現金繩百道光金繩環繞流輝徹
鏡裏山河圖不缺玉宇琉璃事有無翠蕤羽葆光明滅
八彩纒連一色同團圓爭擁廣寒宮廣寒八萬二千戶
都在紅綸碧網中紅樓此際停簫鼓共下瓊鋪閱繡戶
霞綺光圍漢女珠霓裳彩映唐宮舞亦有瑤階拜望舒
欲求靈液賜方諸七襄不乞天孫錦八景疑飛玉女輿
結璘游戲紛殊狀一霎翠虛收采障偶爾中天瑞應圖

依然大地光明藏三珎重輪未足誇願歌復旦頌光華
從敎天上千層綺散作毫端五色花

秋日連陰慨然有作

已是重陽近何時瘴霧清樓臺多暮色鼓角自秋聲南
國幸無事西風何不平蕭蕭感搖落木葉下山城

江樓夜集

涼意生天末清光出海隅樓高宜縱酒客至問當壚
匱帟燒銀燭招邀及翠襦低鬟釵婀娜垂手錦模糊鳳
單溫涼玉鷗絃大小珠綠么忘曲誤紅袖倩花扶但極題

襟樂何論雅集圖臨觴忽怊悵中座一踟躕白髮旁人
笑緇塵我輩俱他鄉自風月今夕且江湖半醉拋金戟
當歌碎玉壺清狂供跌宕感慨託歡娛大澤唳寒雁高
城起夜烏明朝市中語能識馬周無

雜感四首

從來古調賞音難悔把孤琴一再彈送客江干楓葉冷
依人籬落菊花寒何年論蜀同司馬此日游吳愧伯鸞
賴有故交天末在尺書鄭重勸加餐

冀北何時伯樂來未妨騏驥溷鴛鴦祇今阜帽多流寓

往昔黃金賸廢臺上有文章應失意人無名位轉憐才
幔亭莫唱神仙曲萬古緇塵例可哀

錦囊日富客囊貧一笑尊前萬戶春筋力已輸黃犢健
性情難學白鷗馴耽書有癖成何事學道無聞負此身
片語彊顏聊自解高三十五亦詩人

豪氣銷除百尺樓蒯緱一劍海天秋詞華少日徒爲累
富貴浮雲未可求世態難圖虎尾功名遭際讓羊頭
一塵得傍箕山住便擬東鄰結許由

戲作觀物絕句四首

撼樹多虬蟬慕羶是螻螳毀人人不傷附我我何喜
螳臂自奮怒蝸角且鬪爭微蟲亦何事迺爾心不平
惟蟲乃能天蚤蝨何足惡且繙漆園書勿作卞彬賦
胡蝶俄然覺蟬蛻出以陰閑居觀物化造物亦何心

再過某氏園作

蘋香柳影太蕭寒些子秋光不耐看畱得小紅亭一角
更無人處有闌干

謁韓文公祠

炎荒天欲啟文明卻遣公爲海上行千載江山畱姓氏

一時仙佛借聲名古祠陰合黃蕉熟斷碣銘殘碧蘚生
試向夜深看北斗可還流照義安城

隨山館猥彙卷之五終